

影印

文淵閣四庫全書

第一一四〇冊

北京出版集團公司
北京出版社

本冊目次

香溪集

宋 范浚撰……………一

鄭忠肅奏議遺集

宋 鄭興裔撰……………一八九

雲莊集

宋 曾協撰……………二三五

竹軒雜著

宋 林季仲撰……………三〇七

拙齋文集

宋 林之奇撰……………三六九

附拾

錄遺

于湖集

附

錄

宋 張孝祥撰……………五三九

欽定四庫全書

集部
香溪集
總目
卷二

詳校官起居注事臣顧宗泰

主事臣呂雲棟覆勘

覆校官中書臣汪師曾

校對官中書臣潘庭筠

謄錄監生臣張德燭

欽定四庫全書

集部四

香溪集總目

別集類三
宋

卷一

古賦

卷二

詩上

卷三

詩中

欽定四庫全書

香溪集
總目

卷四

詩下

卷五

雜著上

卷六

雜著下

卷七

論上

卷八

論中

卷九

論下

卷十

書總論

卷十一

進策一

欽定四庫全書

香溪集
總目

二

卷十二

進策二

卷十三

進策三

卷十四

進策四

卷十五

進策五

卷十六

記上

卷十七

記下

卷十八

書上

卷十九

書下

欽定四庫全書

香溪集
總目

三

卷二十

啓

卷二十一

傳

卷二十二

墓誌

祭文

臣等謹案香溪集二十二卷宋范浚撰浚字

茂明蘭溪人紹興中舉賢良方正以秦檜柄政辭不赴然浚雖不仕實非無意於當世者其書曹叅傳後則隱戒於熙寧之變法其忠臣翟義傳則深愧夫靖康之事誓其讀周禮一篇則亦為王安石發而進策五卷於當時之務尤言之鑿鑿非迂儒不達時變者也其詩論戒穿鑿易論鄙象數皆為當時學者而言春秋論欲廢三傳則猶孫復劉敞之餘習

然盧仝所注儒者罕傳浚論尚載其數條亦足資異聞其辨孟母無三遷事黃帝無阪泉事周穆王無西至崑崙事雖頗失之固然皆於理無害其詩凡三卷近體流易猶守元祐舊格不涉江西宗派古體頗道亦非語錄為詩之比是集為其門人高梅所編其姪端臣刊之前有紹興三十一年陳巖肖序後有元吳師道跋稱朱子取其心箴注孟子而其集

金履祥時已不傳後從應氏得其前七卷又從其族孫浚家得殘本佚前五卷合之遂為完書跋又稱端臣蒙齋集未及刊先刊其與浚唱酬諸詩附見焉此本無端臣詩蓋已佚矣乾隆四十二年三月恭校上

總纂官臣紀昀臣陸錫熊臣孫士毅
總校官臣陸費墀

香溪集原序

士以志道為先而志道以養氣為本氣全則道存氣喪則道亡故達而在上任天下之重安國家利社稷進賢退不肖收功於無窮者氣也窮而在下守聖賢之道擁古今明治忽是是而非非立言於不朽者亦氣也苟氣之不養則達而在上或充詘於富貴以得失為患則道不行矣窮而在下或隕穫於貧賤以紛華為悅則道不守矣不守不行氣喪而道亡則烏能收功無窮立言不朽哉是則氣之在人窮則獨善其身達則兼善天下舉不可以不養也吾之先友香溪先生以養氣為本而立言不朽者與先生居香溪之上自少至老篤學而賡於文探道而不以世故嬰其慮其家世父祖為名卿賢刺史昆弟多居職仕而先生了無仕進意今天子即位之初詔復制舉以來天下之士當時公卿有以先生應詔者先生力辭之余嘗過香溪之上而訪先生焉先生危坐一室塵埃樓戶牖而凝几席敗帷故器人所不堪而

欽定四庫全書

香溪集
原序

欽定四庫全書

香溪集
原序

先生貌充體胖神宇泰然其言經術如親得聖人而授其旨其論古成敗事如目擊而身履之已而出示所為文則辯博而峻整正與向所言論者相表裏終日與之坐而無一語及世間事此非志於道而全其氣者能若是乎是日先生謂余曰是間山水清遠子能卜居以從吾游乎余方累於世故從官遠方漂流異鄉及歸而先生歿已十年方悼若人之不淑而吾無與居也一日先生猶子元卿過余曰叔父平昔為文至多今不欲秘於家而出與世共之力有未辦則先刻其詩賦論議雜著為二十二卷行於時子嘗與叔父厚願叙以冠其首嗟夫昔鹿門子著書而自叙之曰醉士隱於鹿門不醉則游不游則息息於道思其所未至息於文慙其所未周古聖王旌山夫谷民之善者意在斯乎今先生不醉不游直息於道而寓之文耳平時不以外慕累其心若求旌於時亦豈先生著書立言之本意哉故述其志道養氣之實以見素所蘊云先生姓范氏名浚字茂明而元

卿名端臣今亦以文知名方有志於世者紹興三十一
年四月十三日同郡陳巖肖叙

欽定四庫全書

香溪集
原序

三

欽定四庫全書

香溪集卷一

宋 范浚 撰

賦八首

姑蘇臺賦

述嚴賦

過莊賦

登八詠樓賦

慎術賦

欽定四庫全書

香溪集
卷一

猩猩賦

甘菊賦

辨賦

姑蘇臺賦
辛丑年作

歲崢嶸其聿道兮冬隆寒老訪蘇臺之遺址兮遵吳都
之古道日下平林煙橫衰草慨傷時而感往增予心之
惓惓念昔吳王盤游急荒次陂池兮臺榭宿嬪妃兮御
嬌雖生人已困於蘋尾而土木之工未央於是越人仇

之冬冰是樓蠹也決策種焉建奇蓋君臣鳴鐘而謀于
漸臺者窮日夜而吳初不知種有七術越行其三取文
梓榲楠以奉吳王之宮室吳乃營茲榮臺歷三年兮聚
材斧集刃兮疊雪并攢林兮殷雷金碧塗棟琳珉城階
巖巍兮峽峴干霄兮切霓佩長洲兮茂苑帶潮汐兮濬
池意將遠眺數百里而下窺雲海之涯當其虐用吾民
骸體莽暴蒲木切天厭其酷故啓越之謀而夜生神木人
罹其毒故勞愁慘悽而塗嗟巷哭使臺土未乾兮已辟

欽定四庫全書

香溪集
卷一

二

游乎麋鹿至若朝歌淫淫夕管惜惜困醪醴之酣沈則
有西施蠹其心是助越人之侵又若姦譏回惑膏唇鼓
舌吠止人而媒孽則有宰嚭間其說是誨越人之伐嗟
乎吳王知西施之姝而不知宰嚭之諛知歌管之娛而
不知吳民之痛知華其居而不知其國之墟知勾踐之
爲奴而不知身之爲獨夫信茲臺也實亡吳之權輿吁

述嚴賦 并序

後嚴子陵十有餘歲蘭溪范浚過祠下仰瞻遺像惕

焉景慕謂先生之不屈于建武非若踰垣閉關爲已
甚者揆其意而著之作述嚴賦

歲辛丑予東歸兮凌濤江之渺瀰引帆席而朝發兮夕
予次乎嚴君之祠惕仰高其若存兮揆厥意而明之曰
先生之遭世兮會炎正之中微慘餘分之孽虐兮方悖
道而窮威率誅忠而任殘兮紛赤車之四馳蕩三綱其
弛絕兮誰不裂冠而去之宜先生之高蹈兮靜游釣於
淪漪逮赤伏之膺運兮矯白水之龍飛彼群雄之踰附

欽定四庫全書

香溪集
卷一

三

兮猶響臻而應期何故人之雅素兮飜固拒而牢辭惟
先生之高介兮氣干霄而上躋耻一毫之或挫兮若撻
市之忸怩彼君房獨何人兮將使我自屈而詭隨荃不
察予之口授兮顧狂奴之是譏視蒲車之來思兮類被
毀而遭非辜儒仲之耿耿兮繫俗黨之貽訾伯兄願修
於初服兮幾偃蹇而見擠既譏巧之孔多兮予又胡爲
乎遭迴寧超超以遐逝兮亦安能依世而突梯意先生
之達識兮不降志其由茲吁嗟器大時難容兮追巢躡

由邈儷蹤兮水之渾渾山崇崇兮遺芳不泯名益隆兮
何千萬年激頽風兮死者如可作惟先生之宗兮

過莊賦 并序

莊生有言大塊載我以形勞我以生佚我以老息我
以死世誦其說予獨以為妄辯作過莊賦

大塊載我以形稟我以性目吾使之視耳吾使之聽言
以抒吾意思以達吾情我飢我渴與以飲食我作我息
詔以晨暝使我從容乎事物之間而不失其正天於人

欽定四庫全書

香溪集

四

爲至厚稽諸身而可證何生之勞可爲吾病何必老而
後佚何必死而後靜苟達觀於一致何存亡之足評豈
有身則爲患豈身殞則爲勝顧真我之爲我匪形生而
氣孕曾無象以獨立緊常存而靡竟歷千變與萬化每
自如而安定彼從壯而得老此何衰而何盛彼從老而
得死此何損而何賸鑿至理而妄辯實莊生之未聖若
予者則爲如何邈與世其無競蓬茅一室松菊三徑林
嶺泉石娛吾游衍風花雲月供吾嘯詠無營無欲爰清

爰靜隨所適而得此生焉聊樂乎天命

登八詠樓賦

憑軒楹而寓目納萬景於遐荒窮煙鴻之滅沒辨雲樹
之微茫群峰屹乎延連兮疑結根於台嶽兩溪浩乎奔
渾兮將走集於濤江俯萬落與千村鬱春靄之蒼蒼林
廬隱映乎郊郭錯彩翠而相望綠叢城之綿聯帶碧水
之灣汪搖晴陽而蕩漾射藻井而交光攬山川之壯麗
睨棟宇而相羊信茲樓之奇觀甲區中而少雙山川兮

欽定四庫全書

香溪集

五

如昨棟宇兮非昔閱古今於百代忽白駒之過隙引玄
酒之一酌弔隱侯之幽魄想悲桐而憫草悵多違而撫
臆豈當時之擯落亦擁節於侯國顧人壽之幾何胡不
怡而慘戚慕太白之來游嘗坦腹而高眠雖身世之爛
漫獨訪古而留連誇魏萬之經行邈曠望乎群川流宕
崑之逸句凜生氣於千年吁嗟乎懷古人兮眇眇倚飛
欄而吟嘯惜此地之勝賞復徘徊而臨眺見漁子之浮
舟正擘餌以投釣凌驚波之洶涌方危坐而獨笑見田

翁之引犢出城陰之落照雖市聲之合雜獨行歌而荷篠悟物理之一致得領略於無言苟吾心其專靜豈世故之能遷彼沈郎之煩促真膏火之自煎信謫仙之曠達脫世故之拘攣試寂默以冥觀泯萬慮於自然

慎術賦

人孰不良惟術也利人之傷則為豺為狼人孰不令惟術也刼其正性則為梟為獍彼市矢工懼羽鏃無庸幸仇敵之交攻彼鬻棺子懼禪旁積委冀市人之立死歲

欽定四庫全書

香溪集
卷一

六

或大飢足穀者男歡而女怡蠶不三俯積帛者朝歌而暮舞癘疫興而國工捧腹零榮用而淫巫布武推類以言事胡不然習武者思亂好夸者盜權爭名者不得不賣友以自遂爭利者不得不排人而取先聚歛用則不得不為桑羊為孔僅法律進則不得不為張湯為臧宣子貢不得不亂五國以納說蘇秦不得不聞七雄而合連故曰術不可不慎也爾其戒旃

猩猩賦

以為援而語惠以為人而意愚嗜屐嗜酒以亡厥軀終雖亡軀猶戒其初彼世之溺名淫利而不知省者初寧戒乎噫猩猩之不如

甘菊賦

爾英之可藥今將使人壽而不死因見髡于朱孺子爾華之可蔬今將使人飢而得羹因見戮于天隨生既髡既戮根莖瘁禿爾曾不如不材之木大為槃瘿細為菴曲永無濟世拯人之用兮迄天年於窮谷

欽定四庫全書

香溪集
卷一

七

蜩賦

橫行蠹稻雄稱闔虎貪恹無厭平化作田鼠吾將斫爾螫折爾股以除農殃兮酣我醕

香溪集卷一

欽定四庫全書

香溪集卷二

宋 范浚 撰

詩

雜興五首

遣興五首

題八馬圖

寄謝潘舍人贈烏紗帽

遊蘭溪靈洞

欽定四庫全書

香溪集
卷二

題茂通弟斗齋

寄題錢伯茂遙碧軒

寄題何元晉亦樂堂

送春曲

春融融效李長吉體

同伯通端杲姪效盧仝體

同茂通弟效溫飛卿體

送喬民瞻倅武昌

送徐履之倅南昌

六笑

讀揚子雲傳

讀王建射虎行

冬夜有感

送茂瞻兄機宜之官廣東

贈青城道人

理喻二首

欽定四庫全書

香溪集
卷二

雜興四首

聽琴

寓寶惠寺喜晴登山

次韻端方姪過予偕行南村翫月

送茂安兄知縣之任永嘉

次韻端臣姪雨晴出郊

送袁上人還銅山

雜興五首

雄驕有擅澤雞雄亦專栖乘人肆桀傲未異雄與鷄虛
張盡客氣不知墮危機雄驕或登俎鷄雄亦為犧嗟尔
桀傲子不戒將安之

荆梟昔見惡去楚將巢吳妖音不知革吳豈荆人殊梟
能戒頰舌勿復輕嗚呼雖荆亦容尔何必他邦居

高蟬蔭嘉木未省蟬斧危勇蟲亦何愚不顧黃雀飢癡
癡挾彈子已復露濡衣世事無不然古今同一悲

鵲噪得歡喜烏鳴得憎嗔烏鵲自有口噪鳴何預人烏

欽定四庫全書

香溪集
卷二

三

飛聲啞啞鵲飛聲嘖嘖凡鳥從紛紛未用置肝腸

彭亨着冠猪踉蹌上車鶴皇家一清明此輩東高閣龍
變雜鴟鷂庶位已參錯少安真可待四海得耕鑿我亦

幸豐年從容一邱壑

遣興五首

商山園綺徒雪髮映松露山間謂終老不踏市朝路一
朝前星匿羽翼起調護婆娑古衣冠笑定國儲副留侯
計偶爾曷遽動貞素因知古今士出處自冥數功名苟

不免四老猶一助寧庸巧馳驅失尔邯鄲步

少陵古詩伯未必真豪人胡為冷炙辱自分潛悲辛莫
倚善題賦未悟嚴武嗔徒言磊落士不肯異其身

我逢劉潁川竟夕不向枕餘人偶對面白晝輒欲寢生
來不耐俗敢妄作題品猶嫌太分明客至姑與飲

龐眉困郎署白首命不遭猿臂無侯封徒負射虎豪兩
者阨天運材智俱莫逃向來鄧氏子志行劣可褒藉非
逢際會未免掾功曹

欽定四庫全書

香溪集
卷二

四

翻雲覆忽雨昨火今已冰三塗九州險未似今人情人
言餘耳事令我不忍聽嗟哉泚水上刎頸遂寒盟

題八馬圖

何年畫工搗毛錐貌此八馬姿權奇青絲絡頭十二蹄
調柔意態行愉怡五馬放浪無維羈或齧或望仍迴嘶
一牧牽羣一牧騎製衣度髮髻唐巾衣不知此馬生何時
昔周穆王遠遊嬉駕跨八駿驅東西高升崑崙躡瑤池
騶駼驥義勞龍馳日走萬里無停驂興元唐家危累基

百卷僅脫朱泚圍黃屋進狩懷光追八馬入谷七馬疲
筋攣肉綻行人悲兩者資世皆顛羸虛名何有千載垂
空得傳記流歌詩未如此馬閑猶夷牧垌不受鞭策威
不踣險遠安無危泉甘草薦足自肥安用號駿稱雲騅
嗟哉盡意誰能知

寄謝潘舍人贈烏紗帽

野人儀矩初無華况復破帽風簷斜先生有意念衰醜
折簡遠送新烏紗束巾試著出妨戶色若露洗凌晨鷄

欽定四庫全書

香溪集
卷二

五

舍人樣好信殊俗朽質得此慚無涯白癡稚子強解事
競道宜稱相謹謹輕寬不但愜當暑掉頭曝背仍堪誇
修容他日奉遊宴便可笑請參軍嘉從今旦暮戴公賜
閑關無事聊煎茶

遊蘭溪靈洞

朝曦杲晴空宿霧開紛披紫紆度壑曲輦確行溪湄橫
橋轉山腰丹堊明招提豁窅窳陰洞欲入愁途迷流泉
暗淙琤噴壑跳珠璣巖根石彩翠映水光參差窮高上

蒼岑支策行欹危林端出紺宇兀與浮雲齊曾來念舊
事歷歷經行時松長向如人今已老十圍我尚喜青鬚
還年未生絲偕遊數君子意擬探^平幽竒諸峯未歷覽
寒日還平西同携下前麓却望蘭陰歸明年艷陽春更
約相追隨當須各努力補屐尋幽期

題茂通弟斗齋

昔人驕豪自髻髻萬里浪欲乘風破暮年志計轉難量
眼看一州如斗大今君容膝能自安高館不與身相關

欽定四庫全書

香溪集
卷二

六

作齋似斗意闊達宇量寧妨廣百間足明居世惟知足
寬窄在心非在屋莫言齋小礙人眉清絕坐銷愁萬斛
奉身那用有餘爲身穩心安君自知軟褥傍爐時枕肘
不須小帳更低垂^{釋名小帳曰斗帳}也知丈室含無際自有壺
公容客地斗齋我已戲題詩斗酒還當就君醉

寄題錢伯茂致政奉議遙碧軒

君不聞漢時遺榮兩大夫群公祖道傾京都去塵寂寞
絕繼踵但見畫手空傳圖君今心事能超古早束衣冠

掛神武掉頭不待迫懸車廣受視君知孰愈世人分著
金籠頭或貪微名魚中鈎寧如君脫宦海去飽看遙碧
臨清流似聞遠目增明處宛如畫出城南句款門何日
赴幽期坐挹雲岑爲君賦想當遐矚窮天垠吟憐修眉
濃綠新應嗤爭利推車客不惜青山碾作塵

寄題何元晉亦樂堂

士生墮塵網寃若囚飛虫思牽黃耳不可得况欲雲卧
聽松風何郎可憐人恥與俗同調不作窮愁懊惱詩獨

欽定四庫全書

香溪集
卷二

七

抱青山生長嘯誅茅結屋傍林塘石蘭露菊秋風香掉
頭萬事一不顧仰天白眼傾壺觴邈予坐阻窺幽躅夢
到東牕攀綠玉裁詩寄似堂中人爲楷銀鈎寫高竹

送春曲

春光春光勸汝一盃酒我能爲春作高歌未解春能聽
歌否春歸有底急落盡桃花紅園蹊漠漠野陰靜兔葵
燕麥空搖風風光幾何時背我忽如客殘絲欲斷感春
心語燕勞勞上簾額我有惜芳意一春憐物華春來雪

裏索梅笑春去悵望飛楊花春歸知復來奈此經年別
搖揚三月暮天愁鷓鴣一聲芳草歇歌竟我亦醉一棹
舣舫空明年待春花樹下放歌擎酒相迎逢

春融融效李長吉體

天暄地媚春融融化工點染分花容東風夜半入香陌
雜樹曉繁爭白紅蘭叢蕙根芳翠滴柳豔明眉輕翠巖
紅顏綠鬢青春客壺中新醅鴨頭色殘絲冉冉愁如織
日暮低迷草萋碧

欽定四庫全書

香溪集
卷二

八

同伯通端杲姪效盧仝體

一春癡癖門長扃兩耳不聞鷓鴣聲不知東南風掃盡
紅紫英行行點檢桃李徑但見樹子青冥冥門前水流
渠照灼須眉清科斗游其間脚股各已生渠旁草鬱鬱
草底蚯蚓鳴韻如抽繭絲幽咽得我聽念此瑣細物隨
時變音形黃河赤鯉或點額老驥塞然長羈縻嗟嗟世
路真難行

同茂通弟效溫飛卿體

海棠紅歇鶯停歌。麥風時候猶清和。簾垂衆綠深院靜。
赤欄細柳陰婆娑。池塘正覺幽事好。萍葉藻蔓涵清波。
一雙胡燕微叢外。銜得片泥來補窠。

送喬民瞻倅武昌

春風未綠江南草。春信臘前梅蕊早。水村著處是南枝。
想見君行被花惱。如君久合上華途。胡爲半刺猶題興。
奉引未騎沙苑馬。倅藩且食武昌魚。頻年欣接游從樂。
忽手別書空作惡。江干跋馬望行轡。日暮山寒雲錯莫。
欽定四庫全書

香溪集
卷二

九

送徐履之倅南昌

春山罨畫春江平。江頭春舡推鼓聲。鍾陵別乘喚帆席。
笑看獵獵風搖旌。明朝太末經行處。懸愁望斷煙綿樹。
勞勞檣燕亦留君。且共推蓬話情素。鍾陵地雄古名都。
美官況復稱題輿。看君逸足展夷路。逐電追風萬里餘。

前知按部勞綬撫。簞篋行濕西山雨。君家孺子有遺臺。
試向東湖聊訊古。蘭陰新漉酒吹醅。更折江花勸引盃。
聖代興廉訪良吏。遲君却抱鶴書回。

六笑

我笑支道林。遠移買山書。巢由古達士。不聞買山居。我
笑賀知章。欲乞鑑湖水。嚴陵釣清江。何曾問天子。我笑
陶靖節。自祭真忘情。胡爲托青鳥。乃欲長年齡。我笑王
無功。琴外無所欲。當其戀五斗。乃獨不知足。我笑杜子

欽定四庫全書

香溪集
卷二

十

美夙昔具扁舟。老大意轉拙。欲伴習池遊。我笑韓退之。
不取萬乘相。三黜竟不去。觸事得譏謗。客言莫謾笑。古
人笑人未必不受嗔。螳螂襲蟬雀在後。只恐有人還笑
君。迴頭生愧不能語。嘲評去聲從今吞不吐。譽堯非桀亦
何爲。詆周譏禹終無取。

讀揚子雲傳

老不曉事揚子雲。綴文譏訶堅逐貧。班生曲筆甚假借。
謂不戚戚元非真。草玄欲作後人計。投閣自迷身不利。

王涯策中好其書寧復逆知甘露事
艷聲紫色欺昏童
義士遠引如冥鴻胡為顛眩尚執戟
美新屈首稱臣雄
岷山沃野蹲鴟大拓落不歸良已過
近危竟似井眉瓶
虛作反騷嗤楚些詭情懷祿遭嘲評
但用筆墨垂聲名
文章要亦千古事久矣法言今正行

讀王建射虎行

我讀射虎行感槩興長歎官差射虎得虎難山下遠立
常空還惜留猛虎著山裏射殺顧恐終身閑有如邊將

欽定四庫全書

香溪集
卷二

十一

圖偷安遵養草竊容其姦翻愁努力盡高鳥良弓掛壁
無由彎君不見劉巨容高千里留毒自資媒富貴恐毒
去盡身不利坐令屈律農頭人橫暴九州狂螫噬嗟嗟
忠臣心不移受刀摩頸甘如飴紛紛血刃勇不顧一死
未謝君王知官軍壯志同熊羆風煙不靖寧家為相公
誓欲平淮西慨言敵在歸無期霍公裴公今已矣我吟
射虎徒歎歎

冬夜有感

宵長倦觀書掩帙起微步徘徊簷隙月點綴竹梢露寒
空頑無風寂歷鴈時度不知何處村尚急野塘岸哀哉
當丙夜取水窮沮洳得無空魚群一舉不復顧那知今
竭澤無復魚可捕天公仁百物暴殄天所怒褰裳欲從
之告以盍長慮浮雲暗林野恐墮荆棘路出門還入門
此意定誰喻遣興強微吟淒涼不能句

送茂瞻兄機宜之官廣東

時年十七

黃蘆翬翬秋風腓鬼雨灑草南山悲長塗客子動愁肺

欽定四庫全書

香溪集
卷二

十二

往往捫轍多思歸我兄豈不感時節東床卷席將何之
自言南州有元帥標鑒本是陽秋皮薦紳奔走欲定價
一見許我奇男兒提撕表奏置戎幕使我坐幄官機宜
高生所媿國士知不辭觸熱向武威我今去路雖千里
敢以驅馳員知己南州最盛肩京都惜別欲語停盃徐
地靈孕秀多異產鼉皮蚬膽如蟲蛆舊聞民俗蠻頑甚
蜂屯蟻雜難爬梳聖朝神化與換骨詎事草薶髡根株
我兄智囊載大腹撫俗自應才有餘曹間長劍生銅吼

可盡沙蟲快屠狗後當歸路持旌麾六印黃金大如斗

贈青城道人

道人來自青城巔飄飄逸氣凌雲烟青鞋布襪久遊世
踏盡海宇名山川琴心三疊得妙旨華頂一路通幽禪
自言早歲拾瑤草往往鶴上逢真仙惜哉食服只半劑
猶與人世相周旋曾期汗漫九垓外決去已復揮驟鞭
伊予此生一念誤遂墮塵網嗟拘攣鏡中華髮已踈索
肘後丹經猶棄捐三山銀闕渺何許悵望碧波翻天
欽定四庫全書

香溪集
卷二

七

理喻

郵亭羈客寒無氈夜懷家山情惘然燈前坐感雨蕭瑟
浩歎達曉愁無眠鄰翁不出蓬茨裏聽雨聽風心似水
黃昏鼻息已雷鳴往往簷喧不經耳愁霖一種聲紛紛
鄰翁不聞羈客聞是中轉物有妙理起予暗契瞿曇旨
我眠鼻息鄰家驚耳不自聞鈞鈐聲我耳忽鳴韻清磬

旁人對面那能聽耳鳴如心念鼻息如已過心念潛萌
衆莫知已過自迷人看破歷歷眼前皆要理舉世何人
無鼻耳

雜興四首

水母雖目蝦竟自了無覩如人心苟盲記誦亦何補當
須見精義一覽洞千古可效章句徒冥迷自聾聵
乞火固得火不如鑽燧多寄汲非無泉鑿井泉盈科君
子貴自得願豈求之他心焉有餘師柰彼自棄何

欽定四庫全書

香溪集
卷二

古

飢人嗜敗肉渴者甘腐漿一為飢渴害食飲俱失常况
茲方寸間邪欲紛難量微哉此心害禍甚飢渴傷
昔人稱水淫好潔若無奈居然一日間洗滌十餘過君
看七尺軀孰與此心大洗心儻亦爾會絕客塵浣

聽琴

坐人皆聽琴未必知琴音相知紛滿眼未必相知心知
音如子期知心如鮑叔此道久寥寥誰其踵高躅古聲
勿復彈古心徒自憐知音惟月露知我其惟天君不見